

## Iwwers Flerschemer Blättche

Om letzte Dunnersdaachmoie habb ich om Herrnbersch de Schorsch getroffen. Ei gude Schorsch, habb ich gesacht, was dusden du so frieh in unserne Eck, hosde Breetscher gehollt odder wollsde schunn in de Eissalong bei dere Hitz?

Gude Honnes, gibt de Schorsch zur Antwort, naa, koo Breetscher unn koo Eis, ich war dohinne im Schreibwarnlaade. De Karl iss doch mett de Paula fort ferr e paar Daach unn doo habb ich ferr die zwaa dess Flerschemer Blättche gehollt.

Ich war joo gonz baff: Hawwe die dess Blättche nit abonniert?

De Schorsch schittelt de Kopp: De Karl hott frieher die Flerschemer Zeidung immer nor om Freidaach kaaft, Dinsdaachs warsem oft ze dinn; awwer jetz, woose nor omol in de Woch kimmt, kääft er se immer – unn wenn die zwaa unnerweechs sinn, kaaf ich se halt unn heb se ferr se uff.

Awwer geschennt hotter schunn, de Karl, dass die Zeidung nor noch oomol in de Woch kimmt. Er hott merr aach gesacht warum: Guck emol, Schorsch, hotter gesacht, wenn ooner mittwochs sterwe dut, dann konnsde dess erst in de onner Woch im Blättche lese, awwer weiler dann schunn längst unner de Erd iss, siehsde dann koo Dodesoozeich mehr. Grad mir alde Flerschemer wisse doch immer gern wer gestorwe iss, die meisde hawwe merr gekennt unn bei monche misse merr e Kärtche hieschicke odder sogar mett de Beerdichung gehe. Naa, dess gefällt merr nit, hott de Karl gesacht, dess war vorher besser. Unn ich muss ehrlich saache, mir gefällt's aach nit.

No ja, habb ich gemoont, mich hotts joo aach gewunnert, dass nor noch oomol in de Woch kimmt, awwer die von de Zeidung wern schunn ihrn Grund deferr hawwe. Waasde, Schorsch, heitzedaach werrd joo alles nooch Werrtschaftichkeit gemacht unn villeicht muss aach so e kloo Zeidung wies Blättche doo druff achtgewwe. Awwer wennde ehrlich bist, dann siehsde doch, dass sich werklich Miehe gewwe. Ess iss doch e richdich Heimatzeidung. Doo kann doch in Flerschem los soi was will, doo werrd driwwer geschriwwe, unn gonz besonnens wens mettem Fluchhafe was Neies gibt, dess steht immer drin. Unn die Ardikel sinn gut geschriwwe, ess sinn Bilder debei, vill von dene farbich, de Stadt ihr Bekonntmachung sinn drin, die Vereinsnoochrichte, die Johrgäng, die kerchliche Noochrichte ...

Deshalb habb ich se joo aach, die Flerschemer Zeidung, unnerbricht mich de Schorsch, unn außerdem kann merr was gewinne mettem Oozeichelotto, mir mache dess jed Woch. Unn wens dann wie jetz enn Scheckpott mett 450 Euro ze gewinne gibt, doo suchts Kättche die Firma mett Kosmetik unn ich such die Werrtschafte eraus unn die Zahle nemme merr dann, villeicht gewinne merr joo emol. Unns Kättche dut aach gern die Flora lese, dess wär immer so midde außem Lewe, sacht se.

Ich habb genickt: Unn dann hawwe se jetz so e Serie vom Peter Becker drin mett dene Bombealarme vor sechzich Jahr. Als ich dess gelese habb, konnt ich mich widder on so vill erinnern - du unn ich, mir warn joo doomools schunn Neun -, unn drum schneid ich merr dess aus unn heb merr's uff. Also, dess Flerschemer Blättche muss merr hawwe.

De Schorsch guckt mich von de Seit oo: Sach emol, Honnes, wenn du so Reklame machst ferr die Zeidung, host du was defoo?

Ich grins: Ja sicher – weil merr doch aach dess Gebabbel von uns alle verzeh Daach dort lese kann. Wenn dess koon Grund iss ...

Eiern Honnes